

## საკითხავი, თქმული წმიდისა მამისა ჩუენისა გრიგოლ ნოსელისაჲ წმიდისა სამეზისათჳს, რომელსა შინა მოიკსენებს აბრაჰამს\*

ვითარცა-იგი შეემთხუევის ხილვისმოყუარეთა, რაჟამს-იგი მრავალფერთა ყუავილთა მიერ აღსავსეთა ველთა მიემთხვნენ, რომელთა-იგი პირად-პირადი შუენიერებაჲ და ზოგადი ჰაეროვნებაჲ (vB) ერთისა რადსმე მათგანისა განცდად არა შეუნდობს, და ესრეთ, ყოველთა მიმართ რად განავრცინ ხილვისმოყუარე იგი გულისთქუმაჲ, ყოველთაგანვე სწორებით გამოეკუნინან, ესევეითარივე სახე შეემთხვა გონებასაცა ჩემსა ყუავილოვანსა მას წერილთასა მიხედვითა, რამეთუ პირად-პირადი იგი შუენიერებაჲ ძალისა მათისაჲ სწორებით მიზიდვითა სულისაჲთა მიმოაკუეთებს სურვილსა ჩემსა და დაუდგრომელ ჰყოფს, რამეთუ სწორთა შორის არა ადვილ არს უადრესისა პოვნაჲ.

რამეთუ იხილე-ღა, თუ ვითარ ბრწყინვენ დიდისა დავითის წინამსწარმეტყუელებათა ყუავილნი! და კუალად, თუ ვითართა ყუავილთა სამოთხისათა ფეროვნებასა მოგუფენს მოციქული და ქრისტეს მიერთა სულნელებითა<sup>1</sup> აღგუავსებს! ხოლო სახარებისა ველთა ყუავილთა<sup>2</sup> ვინმცა უძლო სიტყვთ აღრაცხუადჲ, ანუ თუ რომელმანცა გონებამან წარმოაჩინნა!

ვინაჲცა კეთილად ვჰგონებ, რადთა ჟამსა ამას მოვიკსენო სიტყუაჲ იგი იგავთაჲ, რომელსა გუამცნებს, რადთა მივემსგავსნეთ ფუტკარსა, რომელი-იგი დაღაცათუ ძალითა უძლურ არს, არამედ სიბრძნე მისი იქების წერილთა შინა (ზირ. 11.3), და არასადა ვის უხილავს (vC) იგი, ვითარმცა ყოველივე ყუავილი სრულებით მოეკრიბა მას, და ზურგითა აღტვრთულსა სკისა მიმართ მიეღო. არამედ წულილსა<sup>4</sup> მას და მტუერისსახესა ყუავილისა<sup>5</sup> ფურცელთა შინა მდებარესა ძალსა ფრთეთა მიერ და პირისა და ფერტთა შეკრებულსა წარიღებს, და ესრეთ შურების სიბრძნითა სავსესა მას ნაშრომსა თჳსსა; და ექუსკედელთა მათ და არა მართლმოზავებულთა საუნჯეთა თაფლისათა აღჰმართებს და ფრთეთა სილბოჲსა და სიწყლტოჲსან მიერ მოაწრფელებს შენადგამთა მათთა და კედელთა, და შინაგან თაფლითა აღავსებს, რომელი-იგი პატიოსან არს და საწადელ მდიდართა და გლახაკთა, და ვიდრე მეფეთამდეცა მიიწევის პატიოსნებაჲ სიტკბოებისა მისისაჲ, სიტყვსაებრ სოლომონისა<sup>7</sup> (იგავნი 6.8).

აწ უკუე, რადთა ჩუენიცა<sup>8</sup> ესე გოლეული ეგრეთვე პატივცემულ იყოს, და ნუუკუე და უმეტესცა, მაღლი ლოცვისაჲ თანაშემწე-ვიყოთ და სულიერი ესე თაფლი გონიერად შევანელოთ, რადთა ყოველსა ეკლესიასა სწორებით აღმაშენებელ ექმნეს და ჩუენ და თქუენ ზოგებით მოვილოთ სასყიდელი, რამეთუ ზოგადი არს შესამინელი ესე. და რაჟამს ლოცვითა თქუენითა წარემართოს სიტყუაჲ ჩუენი, უმეტესი მაღლი თქუენ მიგენიჭების, ვითარცა-იგი ქველისსაქმისა მიმცემელსა უადრესი მაღლი მიაქუს, ვიდრეღა მიმღებელსა ქველისსაქმისასა.

წმიდაჲ უკუე სახარებაჲ ძუელთა თხიერთა ახლისა ღვინისა შთასხმად აყენებს (მათე 9.17; მარკ. 2.22; ლუკა 5.37). და ნუუკუე აწინდელსაცა ამას ჟამსა მოასწავებდა იგავით, რამეთუ ახალწნეხილი ღვინო ბუნებითისა მის (359rC) ნოტიობისა მდულარებითა აღსავსე არს ქართთა, და ესრეთ, დუდილისა მიერ აღძრული, ნივთსა მას ბიწიანსა პერულად აღაფქურევს<sup>9</sup> და განჰლევს. და ვითარ ჩემი სიტყუაჲ ჰგონებს, ესე სხუად არარაჲ არს, არამედ სწავლაჲ და მოძღურებაჲ სულისა წმიდისაჲ, სიტყვსაებრ სამოციქულოჲსა, რამეთუ იტყვს, ვითარმედ: "სულითა<sup>10</sup> მდულარე იყვენით" (ჰრომ. 12.11). რომელსა-იგი დაძუელებულნი და ურწმუნოებითა განბმარულნი თხიერნი დატევნად ვერ შემძლებელ არიან, არამედ განსთქდებიან მაღალთა მათ მოძღურებათა სიმტკიცითა. და რაჟამს აღმატე(273rB)ბული რადმე სიღრმე სწავლათა სულისათა<sup>11</sup> შეესმას სასმენელთა მათთა, განიპებიან, და იგინიცა წარწყმდებიან

და მადლსა მასცა სულისა წმიდისასა უკმარ ჰყოფენ, რამეთუ<sup>12</sup> ბოროტისმოქმედსა სულსა სიბრძნე არა შევალს, ვითარცა წერილ არს (სიბრძნე 1.4) (vA).

და უკუეთუ გნებავს, შემინდვეთ მე მიმსგავსებად ჩუეულებასა გლახაკთასა, რამეთუ იგინიცა ტაბლასა რამ მდიდართასა მიემთხვენენ, ნემტითა მით<sup>13</sup> და ნამეტნავითა მრავალჟამ იზარდებიან. და ეგრეთვე მეცა, გუშინ მდიდრად დაგებულისა მის ტრაპეზისაგან ძალისაებრ ჩემისა სანუკვარი სიტყვსაა შევჰმზადო<sup>14</sup>, და დღენდელი<sup>15</sup> ესე წინადაგებული მის მიერ შევანელო, და შემოკრებულთა ამათ სერი შეუმზადო.

და რამ-მე იყო გუშინდელისა მის სერობისაგან ნემტი და განუღვენელი?<sup>16</sup> - ესე იგი არს, რომელი-იგი საქმისაგან მოციქულთადასა აღმოვიკითხეთ - ათინას მისლვად პავლესი (საქმე 17. 15-33), და ვითარ-იგი კერპთმსახურ იყო ქალაქი (vC) იგი და ბომონთა მიმართ აღბორებულ, და ვითარ-იგი სულსა წმიდასა ნეტარისა პავლეს შორის ეძვნებოდა და განმწარდებოდა, და ვითარცა ღუარი მძაფრი, სულსა შინა მოციქულისასა შეიწრებული, ღელვიდა, რამეთუ არა ჰპოვებდა უღირსთა მათ მიმართ განსლვასა<sup>17</sup>. ვინადაცა სტოდსაგანთა მათ და ეპიკურელთა ფილოსოფოსთა შეზმა-უყო და არიოპაგედ მივიდა, და მათისავე ჩუეულებისაგან ღმრთისმეცნიერებად მოიყვანნა, რამეთუ ბომონისა მიერ და ზედაწერილისა დასაბამი სიტყვსაა მოილო.

ხოლო რამსათვის მოვიკსენე წარკითხული ესე საკითხავი? - რამეთუ აწცა არიან მსგავსნი მაშინდელთა მათ ათინელთანი, რომელთა-იგი სხუად არარად მოეცალეზის, გარნა სიტყუათ რასმე და სმენად უახლესსა (საქმე 17.21), - გუშინდელნი და დღევანდელნი მზარეულთა და მეპურეთა შვილნი და სხუათა მათ შეურაცხთა კელიონებათა შექცეულნი და ნუუკუე მონანიცა და განდევნილნი და ანუ თუ ლტოლვილნი მონებისაგან, თვთმპოვებულნი ვინმე ღმრთისმეტყუელნი და გამოუკულიველთა სიტყუათა ფილოსოფოსნი და რიტორნი. და ვჰკონებ თუ არა უმეცარ ხართ, ვიეთდა მიმართ ხედავს სიტყუად ჩემი, რამეთუ ყოველივე ესე ქალაქი ესევითართა მიერ აღვსებულ არს, და ფოლოცნი და უბანნი და სავაჭრონი და ურაკპარაკნი და მეზომირნი და ყურენი ქალაქისანი; და უკუეთუ მწულილსა გინა დანგსა იკითხვიდე, შობილისა და უშობილისათვის ფილოსოფოსობენ. და უკუეთუ დრამისათვის ჰკითხო, მოგიგებენ, ვითარმედ მამად უფროს არს, და ვითარმედ მე უმრწემეს და მსახურ. და უკუეთუ ჰრქუა, ვითარმედ: მარჯუე არიან აბანონი, - განაჩინებენ, ვითარმედ არაარსისაგან არსებად<sup>18</sup> მოვიდა მე.

და არა უწყი, თუ რამ სახელს-ვსდვა<sup>19</sup> ამას სიბოროტესა - გონებაცთომილებად გინა სიცოფედ, ანუ თუ სხუად რამე ესევითართა ბოროტთაგანი, რომელი გონებასა სიბოროტილედ შესცვალეზს.

და ამას ვხედვედი და ამისთვის მოვიკსენე სამოციქულოდ იგი უწყებად, რამეთუ, რომელსა-იგი წერილი ათინელთათვის წარმოიტყვს, ესე აწ ამათ შორის იხილვების. და უკუეთუ ჯერ-არს თქუმად, მათსა მას - ამათი ფრიად უძრეს არს და უბოროტეს. რამეთუ მათ კერპთა წყუდიადითა დაემრიტნეს თუალნი სულისა მათისანი და ღმრთისმსახურებისა ნათელსა ხილვად ვერ ეძლო. გარნა ვითარცა კელისაღპ(vB)[ყრობით]<sup>20</sup> რამთმე გონებისადათა ესოდენ<sup>21</sup> შეუძლეს ცნობად, ვითარმედ არა ეგების მიწდომად ღმრთისადა და არცა გულისსიტყუათა მიერ გამოიკულივევის აღმატებული იგი ბუნებად მისი. ამისთვისცა ჰქმმარიტსა მას ღმერთსა უცნაურად სახელს-სდვეს და აღიარეს, და ბომონითა და ზედაწერილითა პატივ-სცეს უცნაურსა მას.

და რამეთუ ჭემმარიტსა ღმერთსა განიცდიდა გონებად მათი, ეწამების მათ მოციქული, რამეთუ ჰრქუა მათ, ვითარმედ: "მას ღმერთსა გახარებ, რომელსა თქუენ პატივ-სცემთ და ჰმსახურებთ" (საქმე 17.23).

და ვითარ არა უძვრეს<sup>22</sup> არიან მათსა აწ მოკსენებულნი ესე ამაოებისა მზრახვალნი, რომელნი არა შეუწდობენ ღმერთსა, რადთამცა უზეშთაეს მიწუდომისა<sup>23</sup> მათისა იყო, არამედ ესრეთ იქადიან ღმრთისა ცნობასა, ვითარცა-იგი მან თვთ თავი თვისი იცის!

და აჰა, ვითარმე ვინ გოდებდეს ღირსად ესევითარსა ამას<sup>24</sup> სიბრმესა გონებათასა, რომელნი ესევითარსა ამას ბრწყინვალეზასა შინა, რომელსა ყოველი სოფელი დაუპყრიეს და ცხორებამ ჩუენი აღუვსიეს, ესრეთ არიან დამბრმალ ღმრთისმსახურებისა მიმართ!

და ნუუკუე უმეცარ ხართ, თუ რომელსა ნათელსა ვიტყვ გარდამატებულად, რომელსა-ესე ცხორებამ ჩუენი დაუპყრიეს. აღმირაცხენით სამეუფონი ესე მნათობნი და რიცხუნსა სახარებისანი, რომელთა ყოველი სოფელი დაუპყრიეს და მშვდობისა მიერ და ღმრთისმსახურებისა ყოველსა ქუეყანასა განანათლებენ, რომლისა მომასწავებელად ყოველთა შემოქმედმან ღმერთმან პირველი იგი სოფლისა<sup>25</sup> დაბადებამ ნიშიან-ყო. რამეთუ არა ხოლო თუ დიდი იგი მნათობი განაწესა მფლობელად დღისა (დაბ. 1.16), არამედ უმრწემესიცა იგი მნათობი შეაუღლა, რადთა, მის მიერითა მით ნათლითა განათლებული, მის თანავე ბრწყინვიდეს. (51rA) ესევითართა უკუე კეთილთა სიმრავლე<sup>26</sup> სამოდურებლა[დ] წინამდებარე არს, და<sup>27</sup> [იგინი], ვითარცა ეშმაკისა მიერ<sup>28</sup> მოწყლულნი, თავვედობით და<sup>29</sup> უსირცხვლოდ ჭემმარიტებასა<sup>30</sup> აცილობენ და წინა-აღუდგებიან, ვითარცა ათინას შინა ეპიკურელნი იგი და სტომსა ფილოსოფოსნი, რომელთა პავლე შებმა-უყო.

და რადთა არა ჰგონოთ თუ ცილისწამებით ჯელ-ვჰყოფთ შესმენასა და ბრალობასა მათსა, ამისთვისცა სიტყუანი მათნი შორის-შემოვიხუნეთ და განვიხილნეთ.

სტომსა ფილოსოფოსნი<sup>31</sup> იგი ნივთიერად ზღაპრობენ ღმრთეებასა, და ესენი<sup>32</sup> მხოლოდმობილსა ძესა ღმრთისასა დაბადებულად ჰგმობენ. და არა უმეცარ ხართ თუ რაბამი ერთობამ იხილვების დაბადებულისა და ნივთიერისა მიმართ!

და კუალად, ეპიკურელნი იტყვან, ვითარმედ არარად არს სხუამ უზეშთაესი განგებამ ხილულთა [ამათ აგე]ბულებისა და განგებისა მპყრობელი, არამედ თავით თვისით განეგებიან და იპყრობვიან<sup>33</sup>. და რადთა მოკლედ ვთქუა, უღმრთოებად დასრულდების ბილწი იგი ცთომილებამ მათი და გმობამ.

ვიხილოთ უკუე, უკუეთუ არა სწორ იქმნების ეპიკურელთა უღმრთოებისა უღმრთოებამ იგი მათი, რომელნი ძესა შეურაცხჰყოფენ. და ნუვინ იცილობვის<sup>34</sup> და თავვედობს, ვითარმედ: ეპიკურელნი არცა თუ მამასა აღიარებენ, არცა ჰრწამს ღმერთი, და ვითარ სწორ არს ამათი და მათი უღმრთოებამ, რომელნი ღმრთეებასა მამისასა არა უვარ-ჰყოფენ?

მცირედ უკუე მელოდე და ჰპოვნე - და უსახელონიცა ესე ეპიკურელნი და უშჯულოებითა არა<sup>35</sup> უდარესნი მათსა. რამეთუ ბრწყინვალედ დიდებისა და ხატად გუა(274rB)მოგნებისა (ებრ. 1.3) და მაღად ღმრთისა და სიბრძნედ ღმრთისა (I კორ. 1.24), და სხუამ, რადენიცა ესევითარი მაღალი და ღმრთივშუენიერი სახელი უწოდა მოციქულმან, ძესა უწოდა, რომელთაგანი თითოეული<sup>36</sup>, ვითარცა შეერთებამ რადმე და შესწორებამ განუყოფელი<sup>37</sup>, განთვსებულად არა მოიგონების, არამედ

შეყოფილად და შეერთებულად. რამეთუ ბრწყინვალეობად და ხატი - მისი არს ბრწყინვალეობად და ხატოვნებად, რომლისადა იყოს. და ვითარცა-იგი არა განბრწყინდების ნათელი, უკუეთუ არა იყოს განმაბრწყინვებელი და პირველი მიზეზი ბრწყინვალეობისაჲ38 მის, ეგრეთვე განბრწყინვებულნი ბუნებად თავით თვისით არა გულისკმა-იყოფების, უკუეთუ განმაბრწყინვებელისა მის თანა არა გულისკმა-იყოს. რამეთუ ხატი გუამოვნებასა აჩუენებს, და გუამოვნებად ხატისა მიერ იცნობების. და ეგრეთვე, ძლიერებად ღმრთისადა თვნიერ ღმრთისა ხილვად შეუძლებელ არს. და ღმერთსა თვნიერ ძლიერებისა მოგონებად ბუნებად არა აქუს.

აწ უკუე, რომელი ერთსაცა ამათ შეწყობილთა და შეუღლვილთა სწორებათაგანსა უვარ-ჰყოფდეს, მის თანა დაჰქსნის ყოველსავე.

იტყვან უკუე უღმრთოებისა წინამძღუარნი, ვითარმედ: იყო ოდესმე, ოდეს არა იყო ძე. მაშა უკუეთუ იყო ოდესმე, ოდეს არა იყო ძე, არცა ბრწყინვალეობად იყო, არცა ხატოვნებად, არცა ძლიერებად, არცა სიბრძნე; და უკუეთუ ესე არა იყვნეს, ღმერთი ვითარ იყო? რამეთუ დიდებად თვნიერ ბრწყინვალეობისა არა გულისკმა-იყოფების, არცა გუამოვნებად თვნიერ ხატოვნებისა, არცა ბრძენი39 თვნიერ სიბრძნისა, არცა ძლიერი თვნიერ ძალისა, არცა მამად თვნიერ ძისა; ვინადა ცა ცხად არს თქუმულთა ამათ მიერ, ვითარმედ, რომელი ძესა შეურაცხ-ჰყოფდეს, მის თანა შეურაცხ-ჰყოფს მამასაცა. და სადა ძე არა იდიდებოდის, მუნ არცა მამად იდიდებად. და სადა მამად არა იდიდებოდის, მუნ ღმრთეებად უვარ-ქმნილ არს. და ღმრთისა უვარის-ყოფად სხვსა არავისი არს, არამედ ეპიკურელთადა.

ხედავა, რამეთუ ეგევითარნი იგი მგმობარნი - ეპიკურელნი არიან და უბოროტესნიცა მათსა, ვითარცა ზემო ვიტყოდე, რომელნი-იგი ძისა შეურაცხებითა პატივ-სცემენ მამასა და იტყვან, ვითარმედ იგი უხუცეს არს და უფროდს, ხოლო ესე - უმრწემეს და უმცირეს40; იგი მოავლენს და ესე მოივლინების; და სიტყუასა რასმე წერილთასა განჰმარვენ ამის პირისათვის სიცოფით და იტყვან, ვითარმედ: თვთ უფალი აღიარებს, ვითარმედ მოივლინა მამისა მიერ (იოანე 8.29).

ვითარმედ მოივლინა, ესე უწყი. ხოლო რამეთუ, რომელმან-იგი მოავლინა, მის თანა არს,- ესე არა გასმიეს, და არა გულისკმა-ჰყოფა ბრწყინვალეთა მათ მოძღურებათა, რამეთუ მო-ცა-ივლინების და არა განეშორების-ცა? მოივლინების კაცთმოყუარებისათვის, და არა განეშორების ბუნებით განუყოფელობისათვის.

და კუალად იტყვან, ვითარმედ: თვთ მხოლოდშობილი აღიარებს, ვითარმედ უფროდს მისსა არს მამად, სიტყვსა მისთვის, რომელი თქუა უფალმან, ვითარმედ: მამად ჩემი უფროდს ჩემსა არს (იოანე 14.28). ვინადაცა გამოვიძიოთ, ძმანო, და შევძრწუნდეთ, რამეთუ, ვითარ ეგების ესე; ანუ ნუუკუე ტყუვა, რომელმან-იგი თქუა, ვითარმედ: მე მამისა შორის და მამად ჩემ შორის? (იოანე 14.10) აწ უკუე, უკუეთუ მამად უფროდს არს ძისა, ვითარ დაიტევის უფროდსი უმცირესისა შორის? (vA) და უკუეთუ ძე უმცირეს (vB) არს მამისა, ვითარ აღივსების უფროდსი უმცირესისა მიერ, რამეთუ, ვითარცა დიდსა შეიწრებად ვერ ძალ-უც უმცირესისა შორის, ეგრეთვე ვერცა მცირესა41 - განვრცომად გარდამატებულისა42 შორის. და ესრეთ საჭირო იქმნების და უღონო ნაკლულევანებად ძისადა მამისა შორის და დაუტევნელობად მამისადა ძისა შორის, და ტყუვა, რომელნი-იგი თქუა, ვითარმედ: მე მამისა შორის და მამად ჩემ შორის! (იოანე 14.10).

არამედ, უკუეთუ უმცირეს არს, ესრეთ ჯერ-იყო თქუამად, ვითარმედ: მე კერძოსა შორის მამისასა, და მამად, - არა "ჩემ შორის", არამედ უმჯობეს და უჭემმარტეს იყო თქუამად, უკუეთუ მამად უფროდს არს,

ვითარმედ: "კერძოდ რადმე მამისად ჩემ შორის". ხოლო უკუეთუ ყოვლითურთ მამად ყოვლითურთ ძისა შორის, და ყოვლითურთ ძე ყოვლითურთ მამისა შორის, სადაა არს გარდამატებული, ანუ სადა არს მოკლებული?

და რად საკმარ არს მრავლისმეტყუელებად, არამედ ჯერ-არს, რადთა ერთითა სიტყვთა ყოველივე სიცოფე მათი უკუნ-ვარღვოთ. ესე იგი არს, რამეთუ იტყვს მოციქული, ვითარმედ: "რომელი-იგი ხატი ღმრთისად იყო, არა ნატაცებად შეირაცხა, რადთა იყოს იგი სწორ ღმრთისა" (ფილიპ. 2.6). მითხარ-და, რაჟამს სწორებად გესმას, და არასწორებად გულისკმა-ჰყო, ვითარი არს სჯნდისი შენი?

ეჰა ახალი ესე მოძღურებად, რომელი სწორებისაგან უსწოროსა თარგმნის!

გარნა ნუუკუე სწავლისმოყუარე ვინმე კეთილითა გონებითა სწავლად ეძიებდეს<sup>43</sup> და გულისკმის-ყოფად სწადოდის, თუ ვითარ უფროდს არს მამად ძისა, და ვითარ სწორ არს ძე მამისა, რამეთუ რეცა წინააღმდგომ<sup>44</sup> არიან<sup>45</sup> ესე ურთიერთას<sup>46</sup>, ამისთვის დაუტეოთ<sup>47</sup> წინააღმდგომთა მიმართ მრისხანებით მხილებად, და მამებრივითა მოწლებითა წინამდებარისა ამის პირისათვის სიტკბოებით ვასწავოთ მმათა.

ყოველნივე სიტყუანი სახარებისანი არა სწორ არიან, არამედ მრჩობლი აქუს გულისკმის-ყოფად და მრჩობლითა ძალითა გუასწავებენ საიდუმლოთა<sup>48</sup> უფლისათა. რამეთუ რომელნიმე სიმადლესა ძისა ღმრთისა ღმრთეებისასა წმამადლად ქადაგებენ და რომელნიმე სიმდაბლესა თანა კაცობრივისა<sup>49</sup> ბუნებისასა დამდაბლდებიან. რამეთუ რაჟამს თქუას უფალმან, ვითარმედ: "მე გობრძანებ შენ" (მარკ. 9.25), და ვითარმედ: "მნებავს, განწმიდენი" (მათე 8.3; მარკ. 1.41; ლუკა 5.13), და ვითარმედ: "მამად ჩემ შორის და მე მამისა შორის" (იოანე 14.10), და "რომელმან მიხილა მე, იხილა მამად ჩემი" (იოანე 14.9). და "მე და მამად ერთ ვართ" (იოანე 10.30), და "არავინ იცის ძე, გარნა მამამან" (მათე 11.27; ლუკა 10.22), და ვითარმედ: "ყოველივე<sup>50</sup> ჩემი შენი არს და შენი ჩემი არს" (იოანე 17.10), და "დიდებულ ვარ მე მათ შორის" (იოანე 17.10), და რაოდენიცა<sup>51</sup> ესევითარი არს, ყოვლისავე არსებისა და ბუნებისა უადრესსა მას ძლიერებასა ღმრთეებისასა ქადაგებს.

ხოლო რაჟამს ბუნებისა ჩუენისა უძღურებისა მიმართ მიდრიკოს სიტყუად, ესევითართა იტყვს სიტყუათა, ვითარმედ: "შეწუხებულ არს სული ჩემი ვიდრე სიკუდიდმდე" (მათე 26.38), და "უკუეთუ შესაძლებელ არს, თანა-წარმვედინ სასუმელი ესე" (მათე 26.39; მარკ. 14.36; ლუკა 22.42), და ვითარმედ: "ვერ ძალუც ძესა თავით თვისით ყოფად არარად" (იოანე 5.30), და ვითარმედ: "მცნებად მომიღებიეს, რად ვთქუა და რასა ვიტყოდი" (იოანე 12.49), და ვითარმედ: "წარვალ მამისა ჩემისა და მამისა თქუენისა, და ღმრთისა ჩემისა და ღმრთისა თქუენისა" (იოანე 20.17). და ლაზარესათვისცა ტირილი (იოანე 11.35) ამათვე თანა შეჰრაცხე და გზისა სიმამურალე და საზრდელისა მიღებად და წყლისა თხოვად (იოანე 4.6; ლუკა 24.43; იოანე 4.7) და ლელვსა მიმართ მისლვად (მათე 21.19; მარკ. 11.13) და ნავსა შინა ძილი (მათე 8.24). (275rB) ესე და სხუანი ყოველნი ესევითარნი არა პირველითგან ყოფილისა მის სიტყვსა (იოანე 1.1) პატევსა, არამედ დამდაბლებასა მისსა ხატადმდე მონებისა და ბუნებისა ჩუენისა სიგლახაკისა მიმართ გარდამოსლვასა საცნაურ ჰყოფენ.

თქუმულ არს უკუე, ვითარმედ: "რომელმან მომავლინა მე, უფროდს ჩემსა არს" (იოანე 14.28).

აწ უკუე განვიცადოთ, სიტყუად ესე თუ რომელსა ბუნებასა მიეჩემების ანუ ვითარ არს, ანუ თუ, "რომელი-იგი ხატი ღმრთისაჲ იყო" (ფილიპ. 2.6), ვინაჲ წარმოივლინა ანუ ვითარ? - გარნა თუ ესე, რამეთუ, რომელი-იგი იყო სავესებაჲ ღმრთეებისაჲ, ხატი მონისაჲ შეიმოსა და თავი თვისი წარმოიცალიერა<sup>52</sup> ხატადმდე მონებისა. და ვინმცა არა უწყოდა, ვითარმედ ესე ესრეთ არს. რამეთუ საღმრთოდ<sup>53</sup> ძლიერებაჲ და ბუნებაჲ ყოველგანვე განფენილ არს და ყოველივე აღუვსიეს და ყოველგანვე მისწუთების და ყოველივე უპყრის, და არა ეგების, არცა შეჰგავს, ვითარმცა წარივლინა. რამეთუ არცა იპოვების მისგან ცალიერი ადგილი, რომელსამცა პირველ არა იყო, და ოდეს წარივლინა, მაშინ მივიდა. არამედ ყოვლისა-მპყრობელითა მით ძალითა თვისითა ყოველსავე იპყრობს და ყოველსავე განაგებს. და არა იპოვების ადგილი, ვინამცა წარვიდა, ანუ თუ რომლისამცა მიმართ მივიდა, რომელსა-იგი ყოველივე აღუვსიეს. ამისთვის ვიტყვ, ვითარმედ სიმდაბლისა და უძლურებისა ჩუენისა მომართ გარდამოსლვაჲ ძისა ღმრთისაჲ ნებითა მამისაჲთა მოვლინებაჲ იწოდების. და რამეთუ საღმრთოსა მისგან ბუნებისა ცხორებისა ჩუენისა მომართ მოსლვაჲ უფლისაჲ არა ადგილითი-ადგილად მისცვალებს უფალსა, არამედ სიმადლისა მისგან დიდებისა - სიმდაბლისა მიმართ ჯორცთაჲსა გარდამოსლვასა აუწყებს. ვინამცა გარდამოჰდა, არამედ - არა შიშუელი სიტყუად, არამედ განკაცებული. ესე იგი არს, რამეთუ ჯორცნი შეისხნა და არა ხატი ღმრთისაჲ შეიმოსა, არამედ ხატი მონისაჲ. და ესე არს, რომლისათვის-იგი თქუა, ვითარმედ: "ვერ ძალ-მიც თავით თვისით ყოფად რაჲსამე" (იოანე 5.30), რამეთუ ვერ შეძლება უძლურებისაჲ არს, და ვითარცა-იგი განსწვალებს ნათელსა ბნელი და ცხორებასა სიკუდილი, ეგრეთვე ძლიერებასა - უძლურებაჲ. ხოლო ქრისტე ძალი არს ღმრთისაჲ (I კორ. 1.24), და ძალი უძლურ<sup>54</sup> არა იქმნების. რამეთუ, უკ(52rA)უეთუ ძლიერებაჲ უძლურ იქმნეს, სადაღა იყოს ძლიერებაჲ?

და კუალად, ოდეს წარმოაჩინოს სიტყუამან, ვითარმედ ვერ ძალ-უც ყოფად რაჲსამე, ცხად არს, რამეთუ უძლურებაჲ იგი არა მხოლოდშობილისა ძისა ღმრთისა ღმრთეებასა მიეჩემების, არამედ უძლურებასა ბუნებისა ჩუენისაჲ შეეწამების<sup>55</sup>. რამეთუ ჭეშმარიტად უძლურ არიან ჯორცნი, ვითარცა წერილ არს, ვითარმედ: "სული გულსმოდგინე არს, ხოლო ჯორცნი უძლურ" (მათე 26.41; მარკ. 14.38).

და ესრეთ, ორკერძოვე უცთომელ არს და ჭეშმარიტ საღმრთოდ წერილი; რამეთუ უფროდსობასა აღიარებს და სწორებასა არა უვარ-ჰყოფს. და რამეთუ რაჲსამს კაცობრივსა ბუნებასა მიხედნეს, უფროდსობასა წამებს ღმრთეებისაჲსა, ხოლო რაჲსამს ღმრთეებასა მიაყვანოს გონებაჲ, მიერთგან უქმ არს უფროდსობაჲ და უმრწემესობაჲ, რომელნი-ესე არიან ჯორცთა შესწორებულნი შეტყუებანი, ვითარცა წამებს თავადი ჭეშმარიტებაჲ, ვითარმედ: "მე და მამაჲ ერთ ვართ" (იოანე 10.30). ხოლო შეცვალებულთა სწორებაჲ არა ეგების.

და ვჰგონებ თუ კმა არს ჩუენ მიერი ესე თქუმული მწვალებელთა უფროდს-უმცროებისა წვალებასა განდევნად ღმრთისმსახურებისა სწავლათაგან.

და უკუეთუ (vB) უმრავლესთა წამებათა ეძიებთ, ვითარცა იქმან სამშჯავროთა შინა, რაჲთა უმრავლესთა მოწამეთა მიერ დამტკიცდეს ჭეშმარიტებაჲ, მომეცით უკუე მეცა ჯელმწიფებაჲ, რაჲთა უკუნვაქციო სიტყუად ჩემი ძუელთა უწყებათა მიმართ და მოვიჰსენო ერთი ვინმე გამოცდილთაგანი, რომელსა-იგი მოიქსენებს მოციქულიცა და იტყვს, ვითარმედ: "აბრაჰამს აღუთქუა ღმერთმან, და ვინაჲთგან არავინ აქუნდა უფროდსი, რომლისამცა მიმართ ფუცა, ფუცა თავისა მიმართ თვისისა, და თქუა" (ებრ. 6.13-14), რაჲ-იგი თქუა. ხოლო ვინაჲთგან მრავალთა არა უწყიან, რაოდენ<sup>56</sup> შესაძლებელ იყოს, შემოკლებულად წარმოგითხრა თქუენ უწყებაჲ იგი, რაჲთა ყოველთა მიერ საცნაურ იქმნეს.

წარიყვანა ღმერთმან აბრაჰამ და განაშორა ადგილისაგან თვისისა და ნათესავისაგან თვსთა, ბრძანებითა და ჩუენებითა თვსითა. და უცხოსა ქუეყანასა მწირობდა მამათმთავარი მრავალ ჟამ, სასოებითა აღთქუმისადათა. და გამოსაცდელად სარწმუნოებისა მისისა განგრძელდა სასოებად აღთქუმისა მის აღსრულებისა (დაბ. 12.1-21,34). ხოლო აღთქუმად იგი ესე იყო, რადთა იქმნეს მამა ნათესავთა მრავალთა (დაბ. 17.4).

და სიგრძესა მას შინა ჟამთასა ბუნებად თვსსა საქმესა იქმოდა. ესე იგი არს, რამეთუ დაბერდა, და სასოებად უმეტეს აღორძნდებოდა. და ესოდენ<sup>57</sup> დაბერდა თვთ იგი და მეუღლე მისი, ვიდრეღა შვილიერებისა სასწაულნი სრულიად დაშრტეს მათ შორის. და ამას ურცხვნელად მოასწავებს საღმრთოდ წერილი და იტყვს, ვითარმედ: მოაკლდა სარრა წესსა დედათასა (დაბ. 18.11), რომლისა მიერ იქმნების წესი მუცლად-ღებისა. გარნა დაღაცათუ ესრეთ ჯორცნი დამუელდეს სიბერიითა, ხოლო ღმრთისა მიმართ სასოებად მათი დაუბერებელ იყო და განურყუნელ.

მას უკუე ჟამსა იშვა ისაკი (დაბ. 21.1-3), რადთა საცნაურ იქმნეს, ვითარმედ არა ბუნებისა საქმე იყო შობად მისი, არამედ განგებად საღმრთოდსა ძლიერებისა. ვინაღცა ჯეროვნად იხარებდეს მართალნი იგი შობისა მისისათვს, და ჰმადლობდეს ღმერთსა. განჰაბუკდა უკუე მოხუცებული შვილისა მის მიერ საყუარელისა, და გარდაცემოდეს წყარონი სძისანი ძუმუთაგან სარრადსთა, და დიოდეს ჟამსა მას სიბერისა მისისასა, და მდიდრად აწოებდა ჩჩვლსა მას თვსსა გარდასრული იგი დღეთად, და განსცხრებოდა ბუნებათა უაღრესისა მისთვს საკვრველებისა და იტყოდა, ვითარმედ: "ვინ-მე მიუთხრას აბრაჰამს, ვითარმედ სარრა აწოებს ყრმასა?" (დაბ. 21.7).

და ესრეთ მცირედ-მცირედ აღორძნდებოდა ჩჩვლი იგი. და სიყრმისა რად ჰასაკსა აღვიდა, იყო იგი საწადელ მხილველთა და სიტკბოება და სასურველ მშობელთა, და ყუავილ და სამკაულ მოჰასაკეთა<sup>58</sup>. და ესრეთ, წარმატებასა თანა ჰასაკისასა წარემატებოდეს სათნოებანიცა სულისა მისისანი და სიკეთე ჯორცთა მისთად.

და თუ ვითარი სიხარული შეჰგვანდა მის ზედა მშობელთა მისთა<sup>59</sup>, თქუენ თვთ გონებასა შინა თქუენსა გულისცმა-ყავთ. და თუ ვითარ იშუებს მამად, ხედვიდეს<sup>60</sup> რად<sup>61</sup> განცხრომასა შვილისა<sup>62</sup> თვსისასა, გინა სიმღერასა, გინა რკინობასა, გინა წურთასა და სწავლასა, ანუ თუ ტკბილ(276 rB)სა მას მოჰასაკეთა თანა ქცევასა.

და ესე რად ესრეთ წარემატებოდა, განცდად და ღუაწლი საზარელი შეემთხვა მართალსა მას მამათმთავარსა, - ვინ-მი უყუარს უმეტეს - ღმერთი ანუ ბუნებად.

ძრწის უკუე გონებად ჩემი საზარელისა მისთვს შორის-შემოსრულისა მითხრობისა.

კუალად უკუე ეჩუენა ღმერთი და უწოდა მას სახელით (დაბ. 22.1). ხოლო იგი გულსმოდგინედ ერჩდა ბრძანებასა მისსა. რამეთუ გამოცდილებისაგან უაღრესსა კეთილსა მოელოდა.

ხოლო შენ ისმინე საღმრთოდ ბრძანებად, რამეთუ ჰრქუა მას, ვითარმედ: "მომგუარე მე ძე შენი" (დაბ. 22.2)

წუთღა არა წყლავს<sup>63</sup> გულსა მამისასა სიტყუად ესე, რამეთუ, ნუუკუე და ესე ვითარიმცა რადმე მოიგონა, ვითარმედ: ქორწილისა მისისათვს რასმე მიბრძანებს მე და მეუღლისა და სასძლოდსა წესსა განმიწესებს, რადთა ნათესავთა კურთხევამან სრულებად მოიღოს. (vA)

არამედ ვიხილოთ შემდგომი სიტყვასა მის, რამეთუ თქუა, ვითარმედ: "მომგუარე მე ძე შენი საყუარელი მხოლოდშობილი" (დაბ. 22.2).

ხედავა საწერტელსა ამას სიტყვასა64, თუ ვითარ აღაგზებს ნაწლევთა მისთა, და თუ ვითარ აღსძრავს ბუნებასა და თუ ვითარ აღატყინებს სიყუარულსა მისსა, და ძედ საყუარელად და მხოლოდშობილად უწესს65 მას, რადთა ესევეითართა ამათ სახელთა მიერ აღადუღებს მისა66 მიმართ სურვილი მისი?

- და ოდეს მოვიყვანო, რაჲ ვყო, უფალო?

და ჰრქუა მას, ვითარმედ: "შეწირე იგი".

და ნუუკუე ესევეითარისა რადსმე შეჰგვანდა მოგონებად, ვითარმედ: ნუუკუე ვინაითგან შეწირვასა მიბრძანებს, მღდელად დამადგინებს. და არა მღდელად, არამედ მსხუერპლად და შესაწირავად, მსხუერპლისა ამის მიერ მრგულიად დამწუარად.

და ჰრქუა მას წმამან საღმრთომან, ვითარმედ: "შეწირე იგი საკუერთხად მთასა ზედა, რომელი გიჩუენო შენ" (დაბ. 22.2).

და რად-მე არს; არა განჰკრთა გონებად თქუენი, რომელნი-ეგე მამანი ხართ და ბუნებისა მიერ გისწავიეს სიყუარული შვილთად, და გესმის ძალი უწყებისა ამის, და უწყით თუ ვითარ შეიწყნარებს სასმენელი მამისად მხოლოდშობილისა ძისა დაკლვასა?

და ვინმცა იყო, რომელიმცა არა განჰკრთა სიტყვასა მისთვს და გარე-მცა-მიიქცინ სასმენელნი თვსნი და გინა თუ მო-ცა-კუდა, და არამცა დაესამართლა მბრძანებელსა მას, თვთ თავადისა ამის ბუნებისა ჩუენისა67 თანაშემწეობითა, და ესრეთ ჰრქუა, ვითარმედ: რად არს ესე, უფალო! და ამისთვს მყავა მამა შვილისა, რადთა შვილის მკვლელად გამომაჩინო? და ამისთვს მიჩუენეა გემოდ ტკბილისა ამის ნიჭისად, რადთა მისათხრობელ მყო ყოვლისა სოფლისა და საქიქელ, რამეთუ მიბრძანებ მე, რადთა ჯელითა ჩემითა დაკვლა შვილი ჩემი და სისხლი სისხლთა ჩემთად ვაჰკურო წინაშე შენსა? და ჯერ-არს, რადთა შენ თავადინ8 ესევეითართა ამათ მსხუერპლთათვს იხარებდე? ანუ ვითარ მოვკლა შვილი ჩემი, რომლისა მიერ შემურვასა და დაფლვასა მოველი? და რად არს ესე; ესევეითარი სასძლოდ შეუმზადოა და ესევეითარი სახარულევანი ქორწილი განუმზადოა და აღუნთო მას არა სათელი საქორწინე, არამედ ცეცხლი და საჯუმილი განმლეველი? და ესრეთ გვრგვნოსან ვყო, ვითარცა სიმე? და ესრეთ ვიქმნეა (vB) მამა ნათესავთა, რომელსა არცა თუ შვილისა ერთისა ქონებად შემენდო?

ნუუკუე ესევეითარი რადმე მოიგონა აბრაჰამ, გინა69 იწუართა? - ნუ იყოფინ! არამედ საღმრთოსა სიყუარულსა შეესაკუთრა და ბუნებად თვსი სრულიად უვარ-ყო70 და ვნებულნი იგი სიყუარულნი სისხლთა და ჯორცთანი, ვითარცა ტვრთი რადმე მძიმე და ურგები, ესრეთ განსთხინა, და სრულიად მისცა თავი თვსი ღმერთსა, და ბრძანებასა მისსა მორჩილ ექმნა.

და არცა მეუღლესა თვსსა განაზრახა ამისთვს. და კეთილად ყო ესე და გონიერად, რამეთუ არა სარწმუნოდ შეჰრაცხა საღმრთომასა საიდუმლომასა71 დედაკაცისა მითხრობად, და რამეთუ არცა რად ადამს ერგო განზრახვად იგი ევადსი, არამედ უფროდსლა წარწყმედად მოატყუა მას. და ამისთვსცა ყო ესე, რადთა, უკუეთუ ცნას ესე სარრა, ნუუკუე და დედობრივი რადმე შეემთხვოს მას ვითარცა მშობელსა, და მკურვალე იგი ღმრთისა მიმართ სიყუარული მისი ბიწიან ყოს. ამისთვს დაუფარა მას საქმე ესე. რამეთუ, უკუეთუმცა ესევეითარი რადმე ეცნა72 მას, გინა გულისწმა-ეყო, რადმცა არა ექმნა,



ანუ რამდენაა არა ეთქუა! ანუ არამცა წიაღთა თვსთა დაემალა და სულმოკლე ქმნილ იყო და მომკუდარ. და ანუ თუ, უკუეთუმც დაშთომილ იყო და არა გონებაცთომილ ქმნილ იყო, არამცა ესევეთართა სიტყუათა ეტყოდა გოდებთა მწართა აბრაჰამს, ვითარმედ: შეიწყალე, კაცო, ბუნებად შენი, და ნუ იქმნები უკუეთურებითა მისათხრობელ ყოვლისა ქუეყანისა. ესე ხოლო მხოლოდშობილი მივის მე; ესე ხოლო მხოლოდ არს სალმოზადცა შობისა ჩემისა და სიხარულიცა გულისა ჩემისა. ესე ხოლო მხოლოდ არს 73 პირმშოდცა ჩემი, და უკუანამსკნელიცა. და ამისსა შემდგომად ვინღა ვიხილოთ ტაბლისა ჩუენისა თანაზიარი, ანუ ვისიღა გუესმას 74 ტკბილი იგი ჳმად, რომელსა გუასმენს ჩუენ ნაწლევი ესე ჩუენი, რაჟამს სახელით გვწოდდეს და მამით და დედით გუხადოდის. ანუ ვინ ჳმსახუროს 75 სიბერესა ჩუენსა; ანუ ვინ დაჳფლნეს სამარესა შინა ჳორცნი ჩუენნი? არა ჳხედავა 76 ყუავილსა ამას ჳორცთა მისთასა, რომელსა დაღაცათუმცა მტერსა ვინ თანა ხედვიდა, შეწყალეზადვე ჳერ-იყო! არა უწყია, რამეთუ ესე არს გრძელთა მათ ლოცვათა ჩუენთა ნაყოფი და ესე არს მკვდრი, ესე არს ნეშტი ნათესავობისა და ესე არს კუერთხი სიბერისა ჩუენისა? და უკუეთუ ამისი დაკლვად გეგულების, მაშა მე მომკალ პირველ მისსა, და, ვითარცა გნებავს, დამჳარ და დამწჳ ცეცხლითა, და ესრეთ ჳოგადი იყავნ დაფლვად ჩუენი და ჳოგადი საფლავი ჩუენი, და ერთსა ძეგლსა ჳედა დაიწერენ განსაკრთომელი ესე კაცის-კლვად. და ნუმცა უხილავს თუალთა სარამსთა აბრაჰამ შვილის მკვლელად და ნუცა ისაკი ჳელთა მიერ მამისათა მოკლულად!

ესემცა და ამისსა უმრავლესნი სიტყუანი ეთქუნეს 77 სარრას, უკუეთუმცა ეცნა მას ყოფადი იგი განსაცდელი. (53rA)

არამედ, რადთა არარად იქმნეს დამაბრკოლებელ ჳელ-ყოფისა მის, შეშად კარაულსა აჳკიდა 78 და რაოდენნიმე მონათაგანნი თანა-წარიყვანნა და საღმრთოჲსა ნებისა აღსრულებად მისწრაფდა (დაბ. 22.3) და (277rB) მერმე დაუტევნა მონანი იგი, რადთა არა ექმნენ წინააღმდგომ მონევრივითა 79 გულისსიტყვთა 80 დაკლვისა მისთვს ისაკისა (დაბ. 22.5).

და უკუეთუ ვის ენებოს, ჳმა არს საქმე ესე უწყებად ჳასაკსა ყრმისასა, რამეთუ უბრძანა მოჳდად კარაულისა და აღტურთვად ყრმისა (დაბ. 22.6). და ესრეთ ტურთი იგი კარაულისა დასდევს ბეჳთა ჳედა ისაკისთა, რამეთუ უკუეთუმცა არა 81 იყო განმტკიცებულ ჳასაკითა, ვითარმცა იტურთა ტურთი იგი კარაულისა?

ხოლო კუალად მოსწყლავს ნაწლევეთა მამისათა ჳმად იგი ისაკისი, რომელი-იგი არარადთ უმოლხინეს იყო ჳემოთქმულთა მათ განსაცდელთა, რამეთუ ჳმა-უყო ტკბილითა მით ჳმითა და ჳრჳუა, ვითარმედ: "მამაო!" (დაბ. 22.7).

ხოლო იგი არა დაიჳსნა, არცა შეისუარა ცრემლთა მიერ, და არცა მოიგონა, ვითარმედ: მცირედ უკუანამსკნელ არღარა 82 მესმეს ესევეთარი ესე ჳმად. არცა აღუტევა ტირილი, არცა გოდებად, არცა სულთქუმად და ტკივილი, არამედ მტკიცითა სულითა და მიუდრეკელითა გონებითა ყრმისაცა სიტყუად მიითუალა და პასუხიცა მიუგო და ჳრჳუა მას, ვითარმედ: "რად არს, შვილო?" (დაბ. 22.7).

ამას ადგილსა გულისჳმა-ყავ ყრმისა მის გონიერი და გულისჳმის-მყოფელი სული, და თუ ვითარ ჳსენებად მოიყვანებს მშობელსა თვსსა, რეცა სახითა კითხვისადათა, ვითარმცა დაჳვიწყებოდა შეწირვად

იგი მსხუერპლისაჲ, და არცა დავიწყებასა, არცა შესულებასა აყუდრებს მას, არამედ, ვითარცა თვთ ენება ცნობის, ესრეთ განკრძალულად მოაქსენებს მას თანაწარსრულსა მას მისდა შესაწირავსა და იტყვს, ვითარმედ: ”აჰა ესერა შეშა და ცეცხლი და მახვლი; სადა არს ცხოვარი იგი მსხუერპლისაჲ?” (დაბ. 22.7).

ხოლო მან, გინა თუ ვითარცა წინაღსწარმეტყუელმან<sup>83</sup> ყოფადი იგი იხილა, გინა თუ ვითარცა მეგობარმან ღმრთისამან, სასოებითა ღმრთისაჲთა განმტკიცებულმან, ესრეთ განაძლიერა ყრმაჲ იგი და ჰრქუა მას, ვითარმედ: ”ღმერთმან იხილოს ცხოვარი მსხუერპლისაჲ, შვილო” (დაბ. 22.8).

და ესრეთ, უმეტეს და უმეტეს განცდაჲ იგი მამათმთავრისაჲ განძნდებოდა, ვიდრემდის მიიწია ჩუენებულსა მას ადგილსა და აღაშენა მას ზედა საკურთხეველი. ხოლო ისაჲ მოუმზადებდა ნივთსა მას შენებისასა მამასა თვსსა და აღაგზნებდა ცეცხლსა.

და ესრეთ მოუმზადა ყოველი. ხოლო საქმისა მის დახრწევად არღა იქმნა, ვიდრემდის უპყრა ყრმასა მას ჯელითა თვსითა აბრაჰამ და ვერ ძალ-ედვა ბუნებასა ცილობაჲ გინა დახრწევად საქმისაჲ მის. ხოლო მისცა ისაჲ თავი თვსი მშობელსა თვსსა და მიერჩადა მას, რაჲთა, ვითარცა ინებოს, იჯუმიოს იგი.

და რომლისათვს ორთაგანისა უფრომს მიკვრდეს, - რომელმან-იგი ღმრთისა სიყუარულისათვს ჯელ-ყო დაკლვად შვილისა თვსისაჲ, ანუ თუ მისი, რომელი-იგი ვიდრე სიკუდიდმდე მორჩილ ექმნა მამასა თვსსა! რომელნი-იგი ურთიერთას<sup>84</sup> უძდებოდეს, რამეთუ ერთი იგი ბუნებასა ერეოდა, ხოლო მეორესა მას უძვრეს სიკუდილისა შეერაცხა, უკუეთუ მშობელსა თვსსა<sup>85</sup> წინა-აღუდგეს. ვინაჲცა შეკრა ყრმაჲ იგი უწყალოდ მამამან მისმან.

მრავალგზის (vB) მიხილავს გამოხატვით დაკლვად იგი ისაკისი, და არაოდეს თანა-წარსრულ ვარ უცრემლოდ, რამეთუ განცხადებულად საანჯემო ჰყოფს საქმისა მის ძალსა ჯელოვნებაჲ იგი, რამეთუ მდებარე არს ისაჲ საკურთხეველსა ზედა უკუდმართ შეკრული, ვითარცა კრავი, მუჯლთა თვსთა ზედა, ხოლო მამაჲ მისი მუჯლთა ზედა მოდრევილ არს ზურგსა მისსა ზედა. და მარცხენითა ჯელითა უპყრიეს თმაჲ თავისა მისისაჲ და პირი მისი მიუქცევიეს მის კერძო. ხოლო იგი საწყალობელად მიხედავს პირსა მამისა თვსისასა, და იგი დადრევილ არს ახოვნებით ყრმისა მის ზედა და მარჯუენე თვსი აღუჭურავს მახვლითა და განმზადებულ არს დაკლვად, და კნინდა და შეახებს ჯორცთა ყრმისათა წუერსა მას მახვლისასა, და მაშინდა იქმნების ღმრთისა მიერ მისდა მიმართ ჯმაჲ, და დააყენებს საქმესა მას (დაბ. 22.11-12).

აჰა ესერა ძნიად სადამე<sup>86</sup> მოვიქეცით კუალად გზასა სიტყვსა ჩუენისასა, რამეთუ, მსგავსად კიცვსა ურჩისა, გზისაგან განვედით, და ვაკეთა შინა და ველთა ვარბიეთ და ძნიად შეუძლიეთ დაპყრობად ალაგსა სიტყვსა ჩუენისასა. რამეთუ ესე იყო წინამდებარე იგი სიტყუად მოციქულისაჲ, რომლისათვს ვიტყოდეთ, ვითარცა-იგი მისგან ვისწავეთ, ვითარმედ სწორ არიან მამაჲ და ძე, და არა არს მათ შორის განწვალებაჲ. ხოლო აქა ანგელოზად უწოდა სიტყუასა ღმრთისასა საღმრთომან წერილმან და თქუა, ვითარმედ: ჯმა-უყო მას ანგელოზმან ღმრთისამან და ჰრქუა: ”ამის წილ, რამეთუ ჰყავ სიტყუად ესე, და არა ჰრიდე ძესა შენსა საყუარელსა ჩემთვს, თავსა ჩემსა ვფუცავ, რამეთუ ვყო ყოველივე, რომელი-იგი აღუთქუა მას სიტყუამან” (დაბ. 22.16-18).

(vA) ვინ არს უკუე, რომელი ეჩუენა აბრაჰამს, მამაჲ-მე-ა? გარნა<sup>87</sup> ვინ იტყვს ანგელოზად ვისდამე მამასა, არამედ მხოლოდშობილი ძე ღმრთისაჲ, რომლისათვს იტყვს წინასწარმეტყუელი, ვითარმედ: და ჰრქვან მას სახელი დიდისა ზრახვისა ანგელოზი<sup>88</sup> (ეს. 9.6).

და ამისა არა89 უმეცარ არს პავლე, რომელმან-იგი სამოთხეს ისწავნა გამოუთქუმელნი, ვითარმედ: მისა მიერ იქმნა ფიცით იგი აღთქუმა, რამეთუ იტყვს, ვითარმედ: ”აბრაჰამს აღუთქუა ღმერთმან” (ესე იგი არს მხოლოდმობილი სიტყუა ღმრთისა და ღმერთი), ვითარმედ: ”ვინადგან არავინ აქუნდა უფროდსი, რომლისამცა მიმართ ფუცა, ფუცა თავისა მიმართ თვისსა” (ებრ. 6.13). და ვითარ იტყვან ესენი მამასა უფროდს მისა, ვინადგან პავლე იტყვს მისათვს, ვითარმედ: ”არავინ აქუნდა უფროდსი, რომლისამცა მიმართ ფუცა”!

ამიერიტგან უკუე მოვედით და აღვიყვანოთ სიტყუა ჩუენი ახლისა მის მიმართ სახარებისა ღვინისა, რადთა სწავლისა მიერ ჩუენცა შევიწყნაროთ მდულარებად სულისა წმიდისა, და ვიქმნეთ მომზავებელ საუნჯე ესევიტარისა მის ღვინისა, რადთა არცა ჩუენ90 განვიხებთქებოდით91 და არცა დაფარულსა მას ჩუენ შორის მადლსა დავსთხევდეთ (მათე 9.17; მარკ. 2.22; ლუკა 5.37).

ხოლო, ვითარ ვჰგონებ, სიტყუა იგი ფსალმუნთა92 ჟამისა93 ამის ბოროტთა, წინადაწარმეტყუელებით მოასწავებს და იტყვს, ვითარმედ: ”უცხო იქმნეს ცოდვილნი საშოდგან და შესცთეს მუცლითგან” (ფს. 57.4). ღმრთისა მიერ შობილისა საშოდ ეკლესიასა იტყვს, რამეთუ ესე არს, რომელი მუცლად-იღებს თვისსა საშოსა ჩჩვლსა მას, მის მიერ აღორძინებადსა სარწმუნოებისა მიერ. არამედ ცოდვილნი მსგავსად მორყუნილთადასა უცხო (278r) იქმნეს საშოდსაგან94 და მუცლისაგან ჭეშმარიტებისა შესცთეს. და აჰა ესერა არა ვხედავ წიალთა შინა დედისათა განდგომილთა მათ სარწმუნოებისაგან. და ამისთვს ვიტყვ. ვითარმედ: ამათთვს მოასწავებს წინადაწარმეტყუელებად იგი ფსალმუნთა, რომელნი-ესე საცთურისა მიერ შეცთომილ არიან. ხოლო საშოდგან შეცთომად ამას მოასწავებს, ვითარმედ შესცთეს სიტყუათაგან ჭეშმარიტებისათა და იტყოდეს სიცრუევსა. და რამეთუ გულისწყრომად მათი მსგავს არს გუელისასა (ფს. 57.5) (ხოლო ესე სიტყუა არა თუ ლიტონად გუელსა მოასწავებს, არამედ გუელსა მას იტყვს დასაბამსა ბოროტთასა).

გარნა ჩუენ არა გუაქუს აწ მოცალეზად იგავითა გუელისადათა მხილვად წარმდებთა მათ და უაღვროთა პირთა და მგომობართა სულისა წმიდისათა, რომელნი-იგი ჰგონებენ თუ ძალი რადმე აქუს გომბასა მათსა, რომელსა-იგი სულისა წმიდისათვს წარჰრევენ, რამეთუ იტყვან, ვითარმედ სული წმიდად ღმრთად წერილთა შინა არასადა წოდებულ არს, და ვითარმედ არა არს იგი ბუნებისაგან მამისა და მისა, და ვითარმედ ნუუკუე და ბუნებასა შეეწამოს მოსწავებად მისი, ხოლო სახელსა - არასადა, რომელ არს ღმრთეებად95.

ვინადაცა ბოროტთა მათ გომბისა მათისა შემწამებელად მიიღედ გუელი. რამეთუ ჩუენ ესევიტართა მათ გარე-მიჯაქცევთ და შევაჩუენებთ და ესრეთ ვიტყვთ, ვითარმედ საღმრთოდასა ბუნებისა განცხდებული სახელი არა იპოვების, არამედ რაოდენიცა96 რად ითქუმის გინათუ კაცობრივისა97 ჩუეულებისა მიერ, ანუ თუ საღმრთოთა წერილთა მომასწავებელად და სახისმეტყუელებად მისა98 გამოისახვის, ხოლო თვთ თავადი იგი საღმრთოდ ბუნებად ყოველთავე სახელთა და გამოთქუმათა უმაღლეს დამტკიცებულ არს, და ვჰგონებ თუ არა უჯერო არს ზრახვასა მას გუელისასა, რომლითა ეზრახა ევას, ჟამსა ამას წარმოთქუმად, რამეთუ იტყოდა, ვითარმედ ღმრთეებისა სახელსა მხედველობისა ძალი აქუს მომასწავებელად, და რაჟამს-იგი მცნებულისა მის ჭამასა განაზრახებდა, ურჩებისა შესამინელად ესე აღუთქუა, ვითარმედ: ”აღგეხილნენ თუალნი თქუენნი და იყვნეთ თქუენ ვითარცა ღმერთნი” (დაბ. 3.5). ხედავა, რამეთუ მხედველობისა ძალი წამა მსგავსებად ღმრთეებისა, არა თუ რად-იგი არს. ვინადაცა არა თუ ბუნებასა მოასწავებს ღმრთეებისა სახელი, არამედ მხედველობისა ძალსა. გარნა თუ მხედველობისა ძალსა დააკლებენ სულსა წმიდასა, დაკლებულნი იგი ყოველთა კეთილთაგან, რომელსა მამადაცა მათი ეშმაკი აღიარებს, და მხედველობასა წამებს ღმრთეებისათვს.

ხოლო უკუეთუ არა უწყიან, დადაცათუ ნამეტნავ არს ცხადთა საქმეთათჳს მრავლისმეტყუელებად, გარნა თავს-ვიდვათ ესე მათთჳს, რომელთა-იგი სიწრფოებით არა უწყიან ამის პირისათჳს.

რად იყო პარვად იგი ანანიაძისი? ანუ რადსათჳს დაისაჯა ესრეთ სასტიკად? ანუ ვითარ ცნა პეტრე პარვად იგი, რომელი ჰპარა თავსა თჳსსა ფარულად, მეუღლესა თჳსისა თანა? ანუ არა სული წმიდად იყოა, რომელმან პეტრეს გამოუცხადა და ანანიაძს პარვად იგი იხილა? ამისთჳსცა ჰრქუა მას პეტრე, ვითარმედ: რადსათჳს ადავსო სატანა გული შენი (v) ცრუებად სულსა წმიდასა? არა ეცრუვე შენ კაცთა, არამედ ღმერთსა (საქმე 5.3-4).

და ვითარცა-იგი უკუეთუ ვინმე იტყოდეს, ვითარმედ: რომელმან პირმეტყუელსა აგინოს, კაცსა აგინებს, არა ორთა მიმართ განჰყოფს გინებასა მას, არამედ ერთსა პირსა მოასწავებს, თითოსახეთა99 ნივთთა მიერ საცნაურ-ქმნილსა. ეგრეთვე პეტრე სულსა წმიდასა (54rA), და სულად, და ღმრთად უწოდა, ანანიაძს მიერ ცრუებულად. და ორივე იგი ერთ არს ღმრთისმსახურთა წინაშე, და ერთსა პირსა მოასწავებს, რომელ არს100 ღმრთეებად სულისა წმიდისად, რომლისა მადლითა ღირსმცა ქმნილ ვართ ჩუენცა ხილვად უხილავთა მათ და დაფარულთა სიღრმეთა ჭეშმარიტებისათა, და ზიარებასა ღმრთეებისასა და მართლმადიდებლობით დიდებასა ყოვლადწმიდისა სამებისასა, რომელი-იგი სამგუამოვნებით და ერთარსებით იდიდების, ესე იგი არს მამად101 და ძე და სული წმიდად, რომლისად არს დიდებად და სიმტკიცე და ძალი და მეუფებად აწ და მარადის და დაუსრულებელთა მათ საუკუნეთა, უკუნითი-უკუნისამდე, ამენ.

---

თარგმანი წმიდა გიორგი მთაწმინდელისა

ტექსტი გამოსაცემად მოამზადეს თინათინ დოლიძემ და ექვთიმე კოჭლამაზაშვილმა

თბილისი, 2004 წ.